



Tálknafjarðarhreppur

Atvinnuvega- og nýsköpunarráðuneyti	
ANR	19100247
Málal.	11.02.07
Mótt.	28.1.2020
Aths.	

Atvinnuvega- og nýsköpunarráðuneytið,

Skúlagötu 4,

101 Reykjavík.

Efni: Úthlutun byggðakvóta til Tálknafjarðarhrepps 2019/2020

Á fundi sínum 16. janúar 2020 samþykkti sveitarstjórn Tálknafjarðarhrepps sameiginlega tillögu meirihluta og minnihluta um breytingu á úthlutunarreglum um byggðarkvóta Tálknafjarðarhrepps sem hér segir:

Úthlutunarreglur Tálknafjarðarhrepps á byggðakvóta 2019-2020.

Sveitarstjórn Tálknafjarðarhrepps gerir það að tillögu sinni við úthlutun byggðakvóta Tálknafjarðarhrepps fiskveiðiárið 2019-2020 að fallið verði frá vinnsluskyldu þess afla sem landað er sem byggðakvóta í Tálknafjarðarhöfn ásamt mótframlagi. Þar sem engin fiskvinnsla er rekin í Tálknafjarðarhreppi er heildarhagsmunum sveitarfélagsins talið betur borgið með því að falla frá vinnsluskyldu afla. Sveitarstjórn lítur svo á að mikilvægt sé að sem flestir fái tækifæri til að veiða byggðakvótann þar sem með því móti verða til fleiri störf í sveitarfélaginu auk þess sem einnig verða til fleiri afleidd störf sem styrkir byggð í Tálknafjarðarhreppi enn frekar. Sveitarstjórn telur mikilvægt að vernda þau störf sem fyrir eru á Tálknafirði ásamt því að auka möguleika á fjölgun starfa, hvort heldur beinna eða afleiddra starfa í kringum útgerð og þjónustu við hana.

Í samræmi við 2.gr. reglugerðar 676/2019 óskar sveitarstjórn eftir breytingu á 4. grein og hún verði sem hér segir:

Skipting þess aflamarks sem nú kemur í hlut byggðarlags, auk þess aflamarks til byggðarlagsins sem kann að vera eftir af úthlutun fyrra fiskveiðiárs, skal að öðru leyti fara fram til einstakra fiskiskipa sem uppfylla skilyrði 1. gr., sbr. og reglur um sérstök skilyrði fyrir úthlutun byggðakvóta í einstökum sveitarfélögum sem ráðuneytið staðfestir samkvæmt 2.-3. gr., eftir því sem við á, á þann veg að:

1. **50% af úthlutuðum byggðakvóta Tálknafjarðarhrepps, auk þess aflamarks sem kann að vera eftir af úthlutun fyrra fiskveiðiárs, af byggðakvóta Tálknafjarðarhrepps, skal skipt jafnt á þá báta sem hafa landað afla sínum fiskveiðiárið 2018-2019 í Tálknafirði og hafa leyfi til veiða í atvinnuskyni og uppfylla 1. gr. reglugerðarinnar.**
2. **50% af úthlutuðum byggðakvóta Tálknafjarðarhrepps, auk þess aflamarks, sem kann að vera eftir af úthlutun fyrra fiskveiðiárs, af byggðakvóta Tálknafjarðarhrepps, skal skipt í hlutfalli við landaðan afla í Tálknafjarðarhöfn á fiskveiðiarinu 2018-2019. Komi minna en 100 þorskígildiskíló í hlut fiskiskips samkvæmt framangreindum reglum fellur hlutur þess niður og skiptist hann milli annara fiskiskipa frá sama byggðarlagi sem uppfylla skilyrði fyrir úthlutun í samræmi við skiptingu samkvæmt úthlutunarreglum.**



Sveitarstjórn Tálknafjarðarhrepps leggur til eftirfarandi breytingu á 6.gr.reglugerðar 676/2019:

Vinnsluskylda samkvæmt 6.gr. reglugerðar nr. 676/2019 verði felld niður.

Óskað er eftir niðurfellingu á vinnsluskyldu þar sem engin fiskvinnsla er starfandi í Tálknafjarðarhreppi. Engu að síður er skýrt að löndun aflans er bundin við Tálknafjarðarhöfn. Heimilt verður því að telja afla landaðan til uppboðs á fiskmarkaði til byggðakvóta enda uppfylli útgerð bátsins öll önnur skilyrði fyrir úthlutun byggðakvóta.

Aflinn skal nema, í þorskígildum talið, sama magni þess aflamarks sem útgerðir fá úthlutað.

Útgerðarfélög skulu hafa haft lögheimili á Tálknafirði síðasta fiskveiðiár, þ.e. 2018-2019.

Þessi tillaga var samþykkt samhljóða af sveitarstjórn Tálknafjarðarhrepps.

Rökstuðningur sveitarstjórnar Tálknafjarðarhrepps fyrri þessari breytingartillögu við reglugerð 676/2019 er eftirfarandi:

- Engin fiskvinnsla er starfandi í Tálknafjarðarhreppi sem er sjálfstætt sveitarfélag.
- Útgerðir í Tálknafjarðarhreppi hafa ekki allar viljað semja við vinnslu í nágrannabyggðarlagi um kaup á afla sem veiddur er vegna byggðakvóta þar sem margir eru ósáttir við verð og viðskiptahætti umræddrar vinnslu.
- Færð hafa verið rök fyrir lægri tekjum og sveitarstjórn sýndir útreikningar á tekjutapi þeirra sem skipta við vinnslu í nágrannasveitarfélagi.
- Tekjur Tálknafjarðarhafnar af lönduðum afla og fiskiskipum hafa dregist saman milli ára þar sem færri stunda útgerð í sveitarfélaginu, meðal annars vegna vinnsluskyldu á byggðakvóta.
- Fækkun starfa í útgerð og störfum tengdum útgerð og þjónustu við hana hefur fækkað á síðustu árum og þar með einnig afleiddum störfum. Brýn nauðsyn er til að leita allra leiða til að fjölga störfum í Tálknafjarðarhreppi til að efla þar byggð og tryggja sveitarfélaginu tekjur.
- Nánast útilokað er fyrir nýliða í útgerð að komast að við úthlutun byggðakvóta þar sem þá skortir viðmið í veiðireynslu. Með afnámi vinnsluskyldu telur sveitarstjórn Tálknafjarðarhrepps meiri líkur fyrir nýliða til að geta komið undir sig fótunum í útgerð.
- Til að auðvelda nýliðum að komast inn í útgerð leggur sveitarstjórn til að mótframlag útgerðar verði tonn á móti tonni.
- Eftir sem áður er þeim fáu útgerðum sem hafa gert samning um vinnsluskyldu heimilt að ganga til samninga við vinnslu í nágrannasveitarfélagi kjósi þeir svo.

Sveitarstjórn Tálknafjarðarhrepps skorar á ráðuneytið að samþykkja þessar breytingartillögur við reglugerð 676/2019 þar sem þessi breyting mun þýða auknar tekjur af útgerð og fiskveiðum í Tálknafjarðarhreppi, fleiri störf og auknar tekjur hafnar af aflagjöldum. Mýmörg dæmi eru um að



Tálknafjarðarhreppur

viðlíka breytingar hafi verið samþykktar í öðrum sveitarfélögum þar sem aðstæður eru svipaðar og í Tálknafirði.

Sveitarstjórn Tálknafjarðarhrepps óskar eftir fundi með ráðherra sem fyrst til að skýra enn frekar okkar sjónarmið og leggja áherslu á mikilvægi afnáms vinnsluskyldu fyrir útgerð og veiðar í Tálknafirði.

Tálknafjarðarhreppi 23.01.2020



Bjarnveig Guðbrandsson, oddviti og starrandi sveitarstjóri Tálknafjarðarhrepps.